



Diedáhus Davvi bieggafápmorusttega ja dan neahttaoktavuođa birra

Buresboahthin diehtujuohkinčoahkkimii

Gii lea Norgga čázádat- ja energiijadirektoráhtta (NČE)?

NČE lea hálddašanorgána mii lea Oljo- ja energiijadepartemeantta vuollásaš, mii hálddaša Norgga čáhce- ja energiijavalljodagaid. Min bargu lea earret eará giedahallat odđa diedáhusaid ja ohcamiid mat gullet hukset ja doaimmahit odđa fápmojohtasiid, čáhcefápmorusttegiid, bieggafápmorusttegiid, gássafápmorusttegiid ja gáiddusliekkasrusttegiid.

NČE ii eaiggát ja jodit ieš makkárge fápmojohtasiid dahje fápmobuvttadanrusttegiid, ja das eai leat obage eaiggátberoštumit prošeavttas. NČE galgá árvvoštallat tehnikkalaš/ekonomalaš diliid ja gearggusvuodadárbbuid biras- ja báikegotti váikkuhusaid ektui.

Mii lea konsešuvdna?

Konsešuvnnain oažžu lobi hukset ja jodihit energiija- dahje fápmojohtasbuvttadanrusttega.

Ođasmahtti energiija

Norga lea okta dain riikkain Eurohpás gos leat buoremus eavttut ásahtit bieggafápmobuvttadeami, dáppe lea ollu bieggá, bieđgguid stuora areálaid badjel. Čáhcefámu lassin lea bieggafápmu nannámis odne dat eanemus odđaáigásaš ja hálbbimus čoavddus odđa ođasmahtti elektrisitehta buvttadeapmái. Bieggafámu gánnáhahttin lea hui bieggaresurssaid gávdnana ja elrávdnjehattiid hálddus. Go NČE árvvoštallá galgá go addit konsešuvnna bieggafápmorusttegiid ja gullelaš fápmojohtasiidda, de váikkuhusat gehččojit prošeaktaekonomiija ja einnostuvvon buvttadeami ektui. Buorre buvttadanprošeakta gierdá stuorát birasgoluid go ii nu buorre prošeakta.



Mot lea áššegiedáhallas?

NČE giedáhallas odđa bieggafápmorusttet ja fápmojohtasiid dieđáhusaid ja ohcamiid golmma lága mielde:

- Energiijaláhka - Dán lága mielde sáhtta NČE addit lobi servodatlaš ulbmillaš prošeavttaide. Dat mearkkaša ahte servodahkii leat ovdamunit stuorábut go hehttehusat ollislaččat.
- Bággolonistanláhka- Fitnodat mii ohcá galgá álgoálggus geahččalit oazžut soabatlaš šiehtadusaid eananeaiggađiiguin, muhto sii sáhttet maid ohcat bággolonistanlobi (bággoháhkama priváhta opmodagas). Bággolonistanláhka gáibida ahte duohtadeapmi vissásit ferte leat eambo buorin go vahágin servodahkii.
- Váikkuhusčielggadeapmi plána- ja huksenlága mielde - stuorát fápmojohtasiid huksemis, dát láhkaásahus mearrida proseassagáibádusaid ja gáibádusaid doaimma čielggadeapmái.

NČE lea ovddasvástideaddji eiseváldi ja dahká oktasaš giedáhallas dáid lágaid mielde. Odđa bieggafápmorustteget ja fápmojohtasat galget maid čielggaduvvot eará lágaid mielde nugo ovdamearkka dihte kulturmuitolága ja luonduvulljivuodálága. Fitnodagas mii ohcá beassat hukset odđa bieggafápmorusttegeta dahje fápmojohtasa, lea ovddasvástáduš háhkat dárbbalaš lobiid ja čielggademiid ovdalگو huksen sáhtta álggahuvvot.

NČE konsešuvdnagiedáhallas

Dát govus čájeha NČE áššemeannudanproseassa



1. Dieđáhus ja váikkuhusčielggadeapmi

Proseassa álgá go NČE vuostáiváldá dieđáhusa fitnodagas, mas oanehaččat čilgejuvvo maid plánejit hukset, gos ja mot. Dieđáhus sisttisoallá maidái evttohusa das makkár vejolaš váikkuhusaid berre čielggadit.

2 Gulaskuddan

NČE:s lea almmolaš gulaskuddan dieđáhusas, dollojit álbmotčoahkkimat gos mii bivdit árvalusaid fáttáide maid berre čielggadit. Almmolaš gulaskuddan almmuhuvvo báikkálaš aviissain ja buot dokumeanttaid gávdná NČE neahttasiiduin.

3 Čielggadanprográmma

Manjel gulaskuddama, mearrida NČE čielggadanprográmma, mas mii bidjat gáibádusaid makkár fáttát galget váikkuhusčielggaduvvot. Váikkuhusčielggadeamit galget čađahuvvot dihto vuogi mielde.

4 Ohcan ja váikkuhusčielggadeapmi

Go fitnodat lea čađahan váikkuhusčielggademiid, de dat sáddejuvvojit NČE:i oktan konsešuvdnaohcamiin. Váikkuhusčielggadeapmi lea ollislaš govvideapmi doaimma deháleamos váikkuhusain. Čielggadeapmi addá sihke NČE:i ja gulaskuddanáshusaide buorebut vuodu oaivvildit juoidá ohcama birra beassat hukset bieggafápmorusttega oktan gullelaš fápmojohtasiin.


5 Gulaskuddan

NČE bidjá ohcama ja váikkuhusčielggadeami almmolaš gulaskuddamii, doppe bivdit árvalusaid dasa leago doaimba doarvái bures čielggaduvvon, ja berre go addit konsešuvnna vai ii, makkár neahttaoktavuhtii vejolaččat berre addit konsešuvnna ja evttohusaid váidudeaddji doaimmaide. Almmolaš gulaskuddan almmuhuvvo báikkálaš aviissain ja buot dokumeanttaid gávdná NČE neahttasiidduin.

NČE árvvoštallá dárbbáša go eanet dieđuid mearrádusa dahkamii/ášši mearrideapmái. NČE sáhtta gáibidit lassidieđuid. Jus fal bohtet lassiohcamat dahje ollu ođđa dieđut, de sáhtta dárbu vel eanet almmolaš gulaskuddamiidda.

6 Konsešuvdnamearrádus

NČE konsešuvdnagiedahallan vuđolaččat árvvoštallá iešguđet beroštumiid. Ođđa energijabuvttadeami huksen gullelaš fápmojohtasiin bohtá mielddisbuktet sihke ovdamuniid ja hehttehusaid. Govus čájeha ovdamearkkaid ovdamuniid ja hehttehusaid dáfus.



Dávja leat našuvnnalaš mihttomearit vuostálasti, nugo ovdamearkka dihte ođasmahtti resurssaid huksen ja luonddusuodjaleapmi. Vuostálasti mihttomearit mielddisbuktet ahte iešguđet eiseválddiin, gulaskuddanbeliin ja berošteaddjiorganisašuvnnain sáhttet iešguđet oainnut ja konklusuvnnat. NČE bargu lea árvvoštallat ovdamuniid ja hehttehusaid iešguđetge našuvnnalaš mihttomeriid vuodul.

Konsešuvdnagiedahallamis árvvoštallojit iešguđet váikkuhusat vuostálagaid. Birasváikkuhusaid galgá árvvoštallat ekonomii ja tehnikkalaš beroštumiid ektui, nugo sihkkaris el-rávdnjelágideami. NČE árvvoštallá galgá go konsešuvdna addot vai ii, ja aiddostahtta mii dat oažžu konsešuvnna, gos ja makkár eavttuid vuodul.

7 Váidin

NČE mearrádusa sáhttet áššebealit ja earát váidit geain lea rievttálaš váidinberoštupmi áššis. Váidagat sáddejuvvojit NČE:i mii ráhkkanahhtta ášši Oljo- ja Energijadepartementii. Departemeanta iešheanalachčat geahčada ášši ja dahká loahpalaš mearrádusa.

Makkár árvalusaid NČE háliida dieđáhussii?

Buohkat sáhttet buktit gulaskuddancealkámušaid/árvalusaid/dieđáhusaid. Dá čuovvu listu das makkár árvalusaid NČE háliida.

- Makkár fáttaid berre čielggadit vai sáhttá vuoduštuvvon oaivila buktit go guoská bieggafápmorusttegii ja dan gullevaš fápmojohtasiidda?
- Evttohus fápmojohtasiid eará/muddejuvvon spáittuide.
- Váikkuha go dát makkárge guovlluide gos leat earenoamáš árvvut/kvalitehtat/beroštumit?

Áššedokumeanttaid gávdná nve.no/konsesjonssaker, gos gávdná skovi mainna sádde gulaskuddancealkámušaid. Cealkámušaid sáhttá maidái boastta mielde sáddet čujuhussii NVE, Postboks 5091 Majorstua, 0301 Oslo dahje e-boasttas nve@nve.no. Áigemearri sáddet árvalusaid lea 31.12.2017.

Oktavuodadiedut

Jus dus leat gažaldagat ášši ja NČE giedahallama birra, de sáhtát váldit oktavuoda NČE áššemeannudeddjiiiguin:

Bieggafápmu:

Mathilde Berg

Tlf: 22 95 92 21

E-boasta: mbe@nve.no

Fápmojođas:

Frode Johansen

Tlf: 22 95 91 76

E-boasta: fbj@nve.no

